

omnibus maculatis, Josephum exclusum fuisse forteque propter reverentiam et pietatem sine peccati labe conceptum, existimamus.

Nos hæc sublimia, &c.

R Deo gratias.

R Ave, Joseph, gratia plene, et fortitudine, Dominus Jesus Filius tuus est tecum; \*Benedictus tu es in omnibus hominibus, et benedictus fructus Sponsae tuae Mariae. ¶ Ecce Maria Sponsa tua concipiet de Spiritu Sancto et pariet Filium et vocabitur nomen eius Emmanuel. Benedictus....

### DIA 6 DE FEBRERO.

#### LECTIO I.

—EX PATRIBUS.—

Secum ipse Joseph cogitationum suorum fluctibus æstuando, ab ipsa etiam Virgine studuit abscondere tanti causam doloris—*Chrys.*—Dominicum pignus sic suo servavit in pectore, ut illud tota corporis externa nescirent.—*Pet Crisol.*—Virum Mariæ, Vir ejus humanus erat, expersque Passionis.—*Pat Gree.*—Per humilitatem Joseph dicitur fugisse Jesum Filium suum.—*Crist.*—Accipe in hoc non meam sed Patrum sententiam. Propter hoc Joseph voluit dimittere Virginem, propter quod Petrus Dominum a se repellat dicens: exi a me Domine.—*Bern.*—Ubique in Joseph Justi gratia et persona servatur.—*Amb.*—Beatissimus Joseph fuit solus in terris magni concilii coadjutorem fidelissimum.—*Ber.*—Beatissimus Joseph fuit revera homo virtutis.—*Ber.*—Joseph autem vir ejus cum esset justus in Verbo, justus in facto, justus in lege, justus in judicio gratiae.—*Orig.*

Nos hæc sublimia, &c.

R Deo gratias.

R In originali nativitate et filiatione Jesu, dum in animo nascitur \*Verissimum est etiam dicere. ¶ Quod tam ex Maria, quam ex Josepho natus est Jesus in suo corde.—Verissimum.

#### LECTIO II.

*Ex factis Leonis Papæ XIII.*

Quæ domus Nazareth a Josepho scite dirigebatur cœlestis Patris auctoritate exordia ferebat nascentis Ecclesiæ. Nam quemadmodum Maria est Mater Domini Nostri Jesuchristi, eodem modo est omnium Christi fidelium, quos juxta crucem in Golgotha inter cruciatus acerbissimos peperit; ita, ut Redemptor sit quasi primogenitus inter Christianos, qui eius sunt fratres per adoptionem et redemptionem. Quo fit, ut vi harum omnium rationum sibi maxime creditas videat turbas, ex quibus tota Ecclesia coalescit; hanc, nempe, familiam per totum orbem terrarum multiplicatam, super quam ipse sponsus Mariæ, parens legalis Christi paternam exercet auctoritatem. Unde sequitur consentaneum propriumque est, quod quum olim domus Nazareth sancta pervigilique protectione necessitatibus subveniebat; nunc etiam cœlitus Christi, protegat Ecclesiam. Si autem talis est Joseph apud Deum et, apud homines, cur illum Ecclesia non venerat sine labe conceptum?

Nos hæc sublimia, &c.

R Deo gratias.

R Respiciens de longe, ecce video potentiam domini nostri Josephi venientem, en nebula totam terram tegentem; \*Quia datum est ei regnum et honor,

et omnis populus, tribus et linguae servient ei. **V** Potestas Domini Josephi, potestas aeterna, et non auferetur; ideoque regnum eius non erit finis. Quia datum....

## LECTIO III.

*Ex factis Leonis Papae XIII.*

Sane intelligetis, Venerabiles Fratres, quod iuxta Patres Ecclesiae sacramque liturgiam ille Joseph praeteriti temporis, filius Jacob praefiguravit hunc nostrum qui, in sua gloria alitudinem custodis futuri sacrae Familiae manifestavit. Revera, praeterquamquod eodem nomine vocaretur, quod quidem non per se nullam refert significationem, aliae praeclarae vobis notissimae inter illos similitudines existunt. Quam primum observandum hesternum Josephum talem obtinuisse favorem, ut secundus esse mereretur a rege; et accepta rei domesticae procuratione, bene, prospere et abunde in ea se gesserit. Altera et praecipua interest similitudo, quod permissa regis regni navem amplissimis facultatibus gubernavit, et in eo calamitatis publicae propter angustias annonae egestatesque consilii, tanta sapientia ac prudentia necessitatibus ivit subsidio Aegyptiorum accolarumque circumvicinorum, ut rex eum, Jesum, idest, mundi salvatorem, vocare sanciret: tantum illo antiquo iste novissimus conferet. Nam, eodem modo, quo bene beateque se res familiares haberent ille curavit, ac quam celeriter magni regnum fecit; nonaliter hodiernus reputari debet defensor et protector universalis Ecclesiae, domus vere Domini strenuissime aedificatae et regni Dei super terram. Quamobrem cuncti Christi fideles cuiusvis conditionis, sexus, statusque vivendi multas habent ra-

tiones, cur sese paterno tutamini committantur. magni decoris addamus esse nobis, quod tantus protector et propugnator noster spolia gratiae originalis Satanae tradidisset. Quod certo fuisset, nisi per modum similitudinis Mariae absque peccato Joseph conciperetur.

Nos haec sublimia, &c.

**R** Deo gratias.

**R** Obsecro, Domine Joseph, et mitte protectionem tuam, quam missurus es, et vide afflictionem filiorum tuorum. \*Sicut locutus es, veni et libera nos. **V** Veni, et libera nos filios tuos ut sobrie et iuste et pie vivamus in nostro sancto Instituto, expectantes beatam spem et adventum gloriae magni Dei sicut locutus es.

## DIA 7 DE FEBRERO.

## LECTIO I.

—EX PATRIBUS.—

Sancta Maria quasi luna, et beatus Joseph velut sol cum undecim stellis, id est, beatis apostolis incurvati et prostrati sunt ante eum; et impleta est prophetia quae dixerat; laudate eum omnes stellae. —*Aug.*—Quis est ille quem parentes et fratres adoraverunt super terram, nisi Christus Jesus quando eum Maria et Joseph, eum discipulis adoraverunt.—*Amb.*—Desponsata est Josepho deipara, ut is ei tutor, curator, atque adiutor praesto esset in omni vanitate temporum.—*Chrys.*—Beatus Joseph in beata Virgine tuenda patris curam exhibuit.—*Teof.*—Crediderim de Matris continentia facilius Sponso ejus custodienti, et experiendi, quam ipsi quoque virgin

de sola conscientia se defendenti.—*Bern.*—Ille Joseph erogavit triticum, noster erogare dignatus est Verbum: in illo Joseph ampliacionem non habet nisi sola Ægyptus, in nostro Josepho augmentum habere meruit universus mundus.—*Aug.*

Nos haec sublimia, &c.

R Deo gratias

R O felix divinus Joseph, cui datum est quod nulli umquam hominum aut angelorum,\*Concessum fuit. V Ego ait Jesus conversatus sum cum Josepho Patre meo in omnibus. Concessum....

### LECTIO II.

#### *Ex factis Leonis Papae XIII.*

Omnes patresfamilias habent in Josepho vigilantiae sollicitudinisque paternae nobilissima exempla; coniuges vero exemplar perfectum amoris, conformitatis et fidei coniugalis, simul qui inuupti manent virginitatemque colunt in eo exemplum et protectorem reperient. Discite, igitur ab eo et vos, qui genere estis nobiles, quomodo in rebus adversis vestram servetis dignitatem; et vos, divitiarum pleni, quae praemia laborum cupere et quaerere debeatis. Et vos, fabri et inopes, quique neque divitiis abundatis, neque summa egestate afficimini, vestrum omnino est Josephum adire eumque vobis imitandum constituere. Quamvis autem Joseph stirpe regia esset oriundus, atque unitus iugali matrimonio optimaes sanctiorique mulierum et Dei Filii Pater putaretur, hoc minime impedivit quominus fabri lignarii officio vacaret per totum vitae curriculum, posceretque ex eo necessarium familiae suae victum. Non est ergo quod existimetur nihil esse paupertate et humilitati abiectus; nam, non solum manuum

opus nullius est dedecoris, sed etiam committante virtute et nobilitari et grande evadere potest. Joseph enim sua sorte contentus magno tulit animo mediocritatem fortunae, non secus ac eius Filius, qui cum esset dominator totius orbis, et formam servi accipere voluit et indigentia omnium rerum subiici sponte sua permisit. Qui vero tam perfecte omnia est operatus tamque digne cum Jesu et Maria se gessit, nobis certe videtur ab omni peccati labe immunem fuisse conceptus.

Nos haec sublimia, &c.

R Deo gratias.

R Hodie scietis, quia veniet Dominus S. Joseph et salvabit nos; et mane videbitis gloriam eius.\*Domini Josephi est una sancta, catholica et apostolica Ecclesia; orbis terrarum et nos filii sui qui habitamus in nostro sancto Instituto. V Revelabitur gloria Domini Josephi et videbit omnis caro salutarem suum. Domini....

### LECTIO III.

#### *Ex factis Leonis Papae XIII.*

Praxis est adeo salutaris et laude admodum digna, nonnullis nationibus pervulgata ut per totum mensem Martii quotidianis publicisque precibus operam detur in honorem Sanctissimi Patriarchae. Ubi autem non adeo facile haec praxis invaluerit, ibi in parochia illius loci celebrare per triduum honores S. Josephi vellemus. Singulos eaim fideles earum, in quibus decima nona dies mensis Martii, festum huius Sancti Patriarchae de praecepto celebrari non est adhuc iniunctum, hoc, quantum fieri poterit, piis operibus agere exhortamus; et quibus cumque devote sequentem hanc orationem recita-

rent, concedimus toties quoties indulgentiam septem annorum et septem quadragenariorum. Ad te, Beatissime Joseph, recurrimus in tribulatione nostra, et auxilio peccato purissimae Sponsae tuae, in tuum patrociniū confidimus. Per charitatem illam, qua tecum Dei genitricem coniunxisti et paternam tuam dilectionem erga puerum Jesum, te supplices exoramus, ut haereditatem nobis Christi praetioso sanguine donatum prospicere digneris, et subvenire nostris necessitatibus. Invigila ergo, prudentissime custos Sacrae Familiae, gregem dilectum Christi; arceas a nobis, clementissime Pater, pestiferam omnem corruptionem, assiste de coelis contra diabolum; et, sicut olim puerum Jesum capitis periculo liberasti, ita nunc ab insidiis inimicorum Ecclesiam defendas, et nos omnes tuo potentissimo patrociniū tuearis; ut exemplo tuo et te auxiliante, sancte vivamus, securius moriamur et aeternam mercedem consequi mereamur.—Amen. Postquam hanc adeo piā et perfectam orationem attente consideravimus, iterum atque iterum sequi videmur, Josephum sine peccati concipi potuisse; nam ita vocatio, suprema officia habitusque eius et continua cum Jesu conversatio praerequisitebat.

Nos hæc sublimia, &c.

℞ Deo gratias.

℞ Ave, Joseph, gratia plenus, Dominus tecum, Spiritus Sanctus superveniet in te, et virtus Altissimi obumbravit tibi.\*Ave Joseph, quod nascetur ex Sponsa tua erit de Spiritu Sancto; vocabitur Filius Dei; dabit ei Dominus Deus sedem David patris eius. ✠ Ideoque salvatorem expectamus Dominus S. Josephum, qui per suam potentissimam protectio-

nem formabit corpus nostri sancti Instituti. Ave Joseph....

## DIA 8 DE FEBRERO.

### LECTIO I.

—EX PATRIBUS.—

Senex ille Joseph beatissimae Virginis Mariae Sponsus veneratione omni est dignissimus.—*Epif.* Josephum consortem et mysterii hujus mediatorem.—*Chrysost.*—Joseph apostolorum habet speciem, quibus Christus circumprendus est creditus.—*Hil.*—Joseph figurat prædicatores, qui augmentant gentem Domini.—*Ans.*—Tu (peccator) quærens cum Joseph et Maria Jesum certissime illum reperies.—*Orig.*—Alius anulus quem beatus Joseph dedit beatissimæ Mariæ in Sponsalia, est in regione Sabandiæ in oppido vulgariter nuncupator (la Gabela) prope Alpes, in quo in hujus sancti anuli memoriam solum anulum portant mulieres uxoratæ non tamen aliæ.—*Nicet.*—Beata Virgo et Joseph fuerunt ejusdem non solum tribus sed etiam familiæ—*Hilar.*—Omnes simul enarrant ex Dei revelatione beatam Virginem Josepho fuisse in Sponsam traditam.—*Nicet.*

Nos hæc sublimia, &c.

℞ Deo gratias.

℞ O Joseph, uxor tua pariet Verbum incarnatum, \*Et tu habebis tale privilegium in honorem. ✠ Ut si tuipsemet revera eum genuisses quia impones eum nomen. Et....

### LECTIO II.

*Praedestinatio Jesu, Mariæ et Josephi.*

Sanctissima et individua Trinitas ab æterno decrevit: Verbum divinum humanam carnem assumptu-

rum, ut genus humanum a morte liberaret; unde, ut ait D. Thomas, factum est Deum hominem factum, ut homo fieret Deus; qui homo Deus primum ad Patris dexteram occupare locum, debuit quia ipse est prædestinatus tamquam Filius Dei ab origine mundi. Simul etiam prædestinata est beata illa creatura, quæ Mater Christi esse deberet; quapropter Cardinalis de Cusa dicebat; Primum prædestinatorum omnium caput, est Christus, et post Christum locum nobilissimum Sanctissima Virgo inter prædestinatos habet. Quod iam antea per Mariæ labia ipse Spiritus Sanctus dixerat; Ab initio et ante sæcula creatum. Quum autem per electionem divinam Mater Unigeniti Patris, virginitate manente, esset desponsata, hinc est, ut statim ac Maria fuit, prædestinata, prædestinatus est etiam Joseph dicens; Ab æterno ordinatus sum et ex antiquis antequam quidquam faceret a principio. Iste homo admodum privilegio munitus, exemptus cum Maria præceteris Adami filiis; atque ita exemptus, ut ille et alius nemo Sponsus meruerit esse Mariæ, comitari et custodire eam, et tum illi, tum eius Filio quod opus erat auxilium præstare, qui Sponsus Mariæ et Pater Jesu dictus et habitus erat, proprias habere gratias, virtutes, privilegia, benedictionesque debebat, et ante omnia et præ omnibus concipi sine munditia peccati. Ita Regius propheta spiritu raptus ad citharam cecinit; Praevenisti eum in benedictionibus dulcedinis, id est, absque amaritudine peccati; posuisti in capite eius coronam de lapide pretioso, id est, absque labe originali conceptus.

Nos hæc sublimia, &c.

R. Deo gratias.

R. Dominus Joseph dixit ad Jesum; Filius meus es tu, quia ego per Spiritum Sanctum genui te.\* Laetentur coeli et exultet terra ante faciem Domini Josephi. ¶ Christus Jesus qui vocatur Admirabilis, Deus, Princeps pacis, Pater futuri saeculi, natus est nobis in splendoribus sanctorum. Laetentur coelis....

### LECTIO III.

*Maria et Joseph in mente Altissimi.*

Immaculata et divina Maria et Joseph eius Sponsus immediate sunt à Jesu secundi quia iste unicus eorum fuit Filius; quocirca possumus affirmare, quod post Jesum Maria optimum obtinuit locum etiamque Joseph adeo statim post Mariam fuit praescitus, ut per Isaiam, loquente Sapientia, utramque ita coniunxerit praedestinationem, ut diceret, futurum tempus fore, quum puer cum inupta virgine una habitaret, Sponsus de Sponsa laetaretur, sic enim ait; Hababit juvenis cum Virgine et gaudebit Sponsus super Sponsam. Quod est exactius impletum in personis Mariæ ac Josephi, nam secundum Evangelistam Lucam, Maria fuit desponsata Joseph; quorum verborum interpretes nonnulli Patres Concilii Vaticani in suum desiderium venire dixerunt, ut suos in fidei firmaretur populo eos fidentissime invocandi huiusmodi verbis; Sancta Maria, ora pro nobis; Sancte Joseph, ora pro nobis; Almi parentes Christi, orate pro nobis. Apud quos perspicuum est admirabilem Christi parentum praedestinationem sustineri posse. Hi certe nostram sententiam inferri docuere, neque solum de immaculata Virginis conceptione, sed de Josepho etiam, quum pro utroque eadem militet paternitatis ratio. Neque mirum si per conceptionem ab omni culpa immunem à ceteris seligantur

Piissimæ

nam Deus longe ante idem omnino fecerat, eos purrissimos Christi parentes constituendo.

Nos hæc sublimia, &c.

R Deo gratias.

R Audite verbum Romanorum Pontificum gentes, anuntiate illud in finibus terrae, quia Salvator noster Joseph adveniet. \*Anuntiate et auditum facite, loquimini et clamate. ¶ In diebus illis stillabunt montes dulcedinem, et colles fluent lac et mel, et salvabitur populus christianus per suam potentissimam Protectionem. Anuntiate....

### DIA 9 DE FEBRERO.

#### LECTIO I.

—EX PATRIBUS.—

Dicitur Josephum et Mariam veros ad matrimonium habuisse consensus.—*Amb.*—Joseph et Maria, ambo simul virginitatem promittunt.—*Aug.*—Ut deciperet dæmonem, qui semper in sapientia gloriatur in desponsationem Maria Josepho à sacerdotibus traditur.—*S. Ign.*—Fabrilia namque cum in hominibus esset faciebat opera aratra et juga conjiciens.—*Justin.*—Ipsam vero Josephum in omnibus artibus mechanicis fuisse expertum.—*Amb.*—Si mihi non credis Mariam semper esse Virginem, crede igitur vel Marito.—*Chrys.*—Joseph autem vir ejus; vir dicitur Joseph, quia nullius fæminæ commistionem agnovit.—*Orig.*—Ex conjugio virginali virgo Filius nasceretur.—*Hier.*—Joseph in cunctis prospere se gessit quia in omnibus divinæ voluntati se subjecit, nec ipsi resistere voluit.—*Greg.*

Nos hæc sublimia, &c.

R Deo gratias.

R De nostro divino Josepho superior ac gubernator Domus Domini, \*Quadrat dicere de illo. ¶ Sol et luna steterunt in tabernaculo suo; id est, Jesus sol Justitiæ et Maria luna speciosissima. Quadrat....

#### LECTIO II.

*De arctissima. unione inter Jesum, Mariam et Josephum.*

Talis est unio quæ inter Jesum, Mariam et Josephum intercedit, ut in ordine rerum, alia persona ab alia separata minime concipi potest; nam de Virgine ad divinam maternitatem destinata, cogitare nequit, quin Josepho desponsata cogitetur; unde sic dici potest; Priusquam oriremur, iam apud Deum eramus, antequam essemus facti nos in mente conceperat; quoniam Dominus possedit nos ab initio viarum suarum; quapropter a principio et ante sæcula super omnia nos elegit ut essemus sancti et immaculati in conspectu eius. Quæ quum ita sint, bene dicere possumus primum prædestinatum fuisse Dominum Nostrum Jesum Christum; secundum, eius divinam Matrem Mariam; tertium vero fuisse S. Josephum; qui omnes prædestinati fuerunt, quo vulgo dici solet, per modum unius; quoniam, Deo ita jubente, Jesus minime cogitatur sine Maria et Josepho; neque Maria sine Josepho facile Deipara et desponsata concipitur; nec quidem Joseph cadit in mentem sine Maria Sponsa et Filio Jesu; et nequaquam existimari possumus, quod non fuerint electi ut sancti essent simul et immaculati. In eorum ergo labiis reponamus verba Apostoli dicentis; Elegi nos ut essemus sancti et immaculati ante

mundi constitutionem. Tanti refert Josephum a conceptione immaculatum considerare.

Nos haec sublimia, &c.

R Deo gratias.

R Venite, ascendamus ad montem Domini S. Josephi et docebit nos filios suos vias nostrarum regularum,\*et ambulabimus in semitis eius; quia de eius protectione exhibit consolatio nostra. V Visita nos in pace quia nos filii tui te diligimus ex toto corde et omnibus viribus nostris. Et ambulabimus....

### LECTIO III.

*Propter praedestinationem potuit esse Joseph  
—immaculatus.—*

Jesus vi electionis et primae praedestinationis fuit essentialiter immaculatus in sua conceptione tanquam de Spiritu Sancto conceptus, ac praeterea essentialiter impeccabilis: Maria vi propriae praedestinationis fuit per gratiam et privilegium concepta sine peccato; et sibi ab illo primo instante omnis sanctitatis plenitudo concessa non fuerat. Eodemque modo Joseph conceptus fuit, eique illam gratiarum abundantiam Deus est dilargitus, quam vel ipsi eius Mari denegaverat. Minime igitur sacras personas, Jesum, scilicet, Mariam et Josephum confundentes, idque honoris, gloriae, laudis et benedictionis Jesu tribuentes, veluti Deo et vero homini ferenti in femore sculptum; Ego sum rex regum et Dominus Dominantium; illud omne etiam Mariae elargientes, quod gratia plenae, quod inter mulieres benedictae, quod inventi gratiam apud Dominum, quodque demum verae Dei genitrici dari poterat; tribuamus

ergo S. Josepho omne quod ei convenit, cuius praecipuum est illum e conventu communi hominum seligere, ne ullo modo afficiatur solemnium Concilii Tridentini decreto sic se habenti; omnes omnino homines in foeditate peccati fuerunt concepti. Nos autem, quod penes nos est magno quidem gaudio et una cum Ecclesia dicemus Josephum de numero perditorum unquam fuisse, quoniam absque omni culpa conceptum fuisse putamus.

Nos haec sublimia, &c.

R Deo gratias.

R Lux fulgebit hodie super nos quia tanquam immaculatus natus est nobis Dominus Joseph et vocabitur noster potentissimus protector. V Dominus Joseph regnavit, decorem et fortitudinem indutus est. V A Domino factum est istud et est mirabile in oculis nostris et firmabit nostrum sanctum Institutum; quia cor nostrum paratum est. A Domino....

### DIA 10 DE FEBRERO.

#### LECTIO I.

—EX PATRIBUS.—

Josephum appellant tutorem Mariae — *Aug.* — Josephum cognovisse Incarnationis mysterium docent. — *Bas., Ber., Chrys., Teof. et Ambros.* — Et voluit occulte dimittere eam, ut Petrus dicens: exi a me quia peccator sum; ut Centurio affirmans: Non sum dignus ut sub tectum meum intres. — *Teof. et Orig.* — Noli timere accipere Mariam conjugem tuam, quod enim in ea natum est de Spiritu Sancto est: nec timeas, hoc est, tu times adjungi illi, quia ex Spiritu Sancto concepit, sed ne timeas accipere

eam.—*Teof.*—Accipe Mariam conjugem tuam: hic praecipit Angelus Josepho ut in animo suo quae eam deposuerat Virginem accipiat.—*Chuy.*—Constituit eum Dominus domus suae, et principem omnis possessionis suae, dicendo: Accipe Mariam conjugem tuam.—*Ber.*

Nos haec sublimia, &c.

R Deo gratias.

R Joseph Virgo Sponsae Virginis ante et post partum fecunditate gavissus est.\*Ac ejus fructus cujus odor laetificat caelum et terram. ¶ Et universae opprobrium abstulit hereditatis. Ac....

#### LECTIO II.

*Quis sit Joseph apud theologos non paucos.*

Theologi multi illustres et graviore communitersentiunt S. Josephum in secundo suae conceptionis instante sanctificatum fuisse; ita illi rationis usum praemature luxisse, ut a primo principio Deo maximas gratias propter divinam suam vocationem agere potuerit; ut Baptista cognovisse in ipso utero matris se vocatum ut Messiae promissi pater esset; illi dona scientiae infusae altissime fuisse communicata; delicias sublimioris contemplationis possedisse; semper virtutes omnes exercuisse, idque tam mire atque proficue ab initio praestitisse, ut eas sic auget, ut condecebat illum, qui vir perfectus iustus esse debebat et revera fuit, quia ille, unus ex omnibus Mariae Sponsus fuit praedestinatus ac Pater nominatus Jesu. Et quum talis fuerit Joseph, cur non dicemus illum fuisse unicum iustum similime ac Maria conceptum, proindeque sine labe peccati? Amemus, honoremus, glorificemus, laudemus et ut par est, superexaltemus Jesum, Mariam

et Josephum et cum Ecclesia centies millies devote canamus; Jesus, Joseph et Maria vobis ad ultimum agonem commendo cor et animam meam; estote mihi in protectores, et per vos fiat ut magno cum gaudio vobis reddam spiritum ultimum.

Nos haec sublimia, &c.

R Deo gratias.

R Montes universi, ramos vestros expandite, florete et fructus facite; quia prope est ut veniat dies protectionis nostri Josephi.\*Erumpant montes iucunditatem et colles iustitiam, quia de nostro sancto Instituto exhibit lex et Verbum Domini Josephi de filiis suis. ¶ Aspiciam vos filios meos et crescere faciam; multiplicamini et feriam pactum meum vobiscum. Erumpant....

#### LECTIO III.

*Dominus Joseph cum Jesu et Maria conversans.*

Commulatissimas gratiae divitias, donorum, privilegiorum, praecellentisque sanctitatis et perfectionis quas S. Joseph ante nuptiarum celebrationem habebat, mortalium quis poterit numerare? Nec minus quidem divinas illas divitias temporis decursu conglomeratas, vitam degens apud singularem illam mulierem, Sponsam veram suam divinam Mariam, quae iam Mater meruerat esse Dei. Theauri divini virtutis, gratiae atque perfectionis quos magis ac magis cumulabat Joseph propter Verbi humanati coniunctionem, familiaritatem et consuetudinem, tot semper ac tales erant, ut beato illi homini expediebat, qui ex eius vocatione ac fidelitate non solum adfuit mysteriis Dei hominis, sed etiam in magno opere redemptionis humani generis eius meruit esse corredeemptor. Quapropter, qu-



um solus sit Joseph qui gereret personam a Deo constitutam ut esset caput super familiam suam, eamque vigilaret, gubernaret, aleret, vestiret, transferretque ab uno in alium locum, illum forte posset dici immediate post Sanctissimam Virginem, solum inter homines meruisse sine originali labe concipi.

Nos hæc sublimia, &c.

R Deo gratias.

R Pater Jesu adveniet Joseph, quem plures doctores Sanctae Ecclesiae prædicarunt protectorem populi christiani esse venturum.\*Super ipsum continebunt sacerdotes os suum et ipsum omnes alumni sui fideliter præcabuntur. ¶ Ante multum tempus prophetavit Ezequiel; Vidi Josephum tamquam portam clausam, ex qua Virginitate Deus procedebat pro salute mundi et post partum eius Sponsae Mariae, ille permansit Virgo. Super ipsum....

#### DIA 11 DE FEBRERO.

##### LECTIO I.

—EX PATRIBUS.—

Et vocabis nomen ejus Jesum: his verbis fuisse dignitatem Patris Christi traditam a Deo fertur.—*Chry.*  
—Dolebant Maria et Joseph pueri absentiam, non quia ipsum perditum putarent, sed dolebant ne forte relinquens eos, reversus esset ad coelos, et cum illi placuisset iterum descensurus.—*Orig.*—Nomen Joseph lingua hæbraica salvatorem significare, et Joseph habuisse nomen Jesus.—*Hier.*—Virum Mariæ, hoc est prorsus ineffabile et nihil præterea dici potest.—*Damas.*—Fili, quid fecisti nobis sic? Ecce Pater tuus et ego dolentes quaerebamus te:

hic Pater Domini veri totius mundi salvatoris est Joseph appellatus.—*Ber.*—Nec enim propterea non erat appellandus Joseph Pater Christi quia illum non genuerat.—*Aug.*—Etsi Joseph nihil habeas in hac generatione commune, tamen quod est proprium Patris, quodque nihil Virginis laedit dignitatem hoc tibi facile concedo.—*Chrys.*

Nos hæc sublimia, &c.

R Deo gratias.

R Quam fuerit fidelis et prudens Joseph, ex eo cogita,\*Quod Dominus super charissimam familiam quam dignatus est constituere in mundo eum constituit. ¶ Quia est Joseph de quo Pater dixit: Hic est Filius meus dilectus, in quo mihi bene complacui. Quod....

##### LECTIO II.

*Communis vivendi ratio Josephi cum Jesu et Maria.*

Soli Josepho favor et singulare privilegium concessum fuit divinum Infantem in suis brachiis saepissime habendi, illumque in cor premendi; illi uni datum, non ut praesens tantum, sed ut fidelissimus fortunatissimusque cooperatore adesse ineffabili mysterio Incarnationis Filii Dei in virgineis visceribus castissimae Sponsae suae; illi videre nascentem puerum in praesepio Bethlehem; adstare Circumcisioni, Epiphaniae, et eius oblationi in templo, iam tum illum Deo consecrando ad salutem generis humani. Soli Josepho datum per diu cum Maria Sponsa Virgine habitare; cum ea fideliores sui ipsorum consecrationem Aeterno Patri facere; cum ea una eademque manducare mensa; eius continuata uti conversatione, eiusque necessitudine, ac divinis

etiam exemplis. Sibi soli concessam per ineffabilem dignationem curam ad Dei Infantis vitam ab Herodis ira tuendam, recedendo in Ægyptum. Ei etiam datum suis manibus cibum ministrare puero in edendo; illi et ipsum alere Deum et eius divinam Matrem ex sudore vultus sui. Hinc fortasse affirmare possumus illi etiam omnia privilegia, omnia gratiarum genera, omnes favores, cunctasque benedictiones fuisse concessas; cui quomodo de nostris denegandum, quod sine originali labe conceptus fuerit. Forte dici posset; ita factum quia ita a Deo fieri potuit.

Nos hæc sublimia, &c.

R. Deo gratias.

R. Puer datus est Josepho et Mariæ, cuius imperium non erit finis; cantate Domino canticum novum, quia mirabilia fecit. \*Venite, omnes filii Josephi et adorare Dominum, quia descendit super nos admirabilis protectio. ¶ Tui sunt coeli, Domine Joseph, et tua est terra, orbis terrarum et plenitudo eius. Venite...

### LECTIO III.

*Joseph sanctorum omnium excellentissimus.*

Joseph donum maius accepit scientiæ infusæ, contemplationem altiore, firmioremque confirmationem; ille etiam summopere habuit visionem beatificam; illi redemptionis mysteria revalata sunt; ille per extasim ipsam sine velamento vidit divinam Essentiam, ille Christi præcursor ad limbi patres, eius nuntiare venisse mortis et peccati victorem et ipsos ab illis vinculis liberatis nuperime ad coelestem civitatem migraturos. Sequendum ergo nobis est Josephum unum unicumque

sanctorum ita a Deo fuisse decoratum, ut nemo alius unquam aut inventus aut inveniendus esse queat; quia ipse solus est in ordine hypostatico divinam simul terræ Trinitatem informans cum Jesu et Maria. Hunc ergo virum ita sanctissimum deificumque pene gratiis infinitis adoremus; tam potentem sanctum et miremur et laudemus et glorificemus, vocique nostri Leonis Decimi Tertii Pontificis Maximi obsequentes eius auxilium ad regendam salvandamque Ecclesiam ploremus, ut papatum incolumem servare dignetur, universam Ecclesiam cum filiis omnibus et singulis defensam dirigat; et nos Missionarios Iosephinos et Filias Mariæ et Josephi salvet semper et muniat; ut duas familias suorum dilectorum purissimi sui cordis filiarum largiatur petitam gratiam fidelissimæ vocationis. Ut etiam in earum cordibus puritas et innocentia infundatur, in animabus candor divinæ gratiæ, quodque omne petimus et impetrare lætamur, eoque securius quo illum ex toto corde beatissimum prædicamus, de quo haud dubitamus dici deberi; Nec similis visus est, nec habere sequentem; de quo forte dicendum simili modo quo eius Sponsa fuit sine labe originali concepta, ita et ipsum fuisse.

Nos hæc sublimia, &c.

R. Deo gratias.

R. Sederunt principes, et adversum me loquebantur et iniqui persecuti sunt me. \*Adjuva me, Domine Joseph, quia filius tuus ego sum. ¶ Video coelos apertos, et Dominum Josephum stantem a dextris virtutis Jesu. Adjuva me....